



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nuclevs Casuum Conscientiæ Sive Brevis Notitia Eorum
quæ scitu vel necessaria, vel valde utilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Magia.

urn:nbn:de:hbz:466:1-41767

titur. In quibus illud vniuersaliter est aduertendum , quod interdum simul cum hoc peccato contra Religionem possunt, ratione materiæ, alia coniungi contra Iustitiam , contra Temperantiam, & alias Virtutes. Sed hic consideramus illud præcisè, ut est contra Religionem.

De Magia.

Quamuis ergo varij variè distingueant soleant has species superstitionis ; commodè tamen mihi videatur diuidi posse modo sequenti : ut prima eius species sit Magia propriè dicta, prout ab alijs distinguitur. Est autē Magia quædam ars falla, à dæmone tradita, ad finem faciendi effectus aliquos mirabiles , & veluti miraculosos, & extraordinarios, opera dæmonis: quos effectus, si non excedant potestatem , & virtutem dæmonis ; potest dæmon facere, Deo permittente: si verò excedunt; tunc mentitur , vel decipit illud dæmonum dendo sensus humanos : non enim dæmon potest facere vera miracula. Quo-

tiescumque ergo aliquis hanc artem exercet, saltem implicitè; habet pactum cum dæmone, & illum colit, & sic peccat contra Religionem ex hoc capite, & est suspectus de hæresi, vel de apostasia: solet enim dæmon hoc exigere à suis discipulis. De Magia agunt Snarius loc. cit. à cap. 15. Fillius. loc. cit. cap. 7. Tolet. loc. cit.

De Diuinatione.

7 **A**lia species huius falsi cultus consistit in Diuinatione, quæ est secunda species Superstitionis. Est autem Diuinatio, prout sumitur à Casistis, cùm quis ope dæmonis, & arte illicita ab eodem tradita, vult scire ea, quæ naturaliter scire non potest, siue absolute, siue hic, & nunc: & sic etiam includitur pactum, saltem implicitum cum dæmons, & eius cultus. Quæ occulta aliquando dæmon verè scire potest: quod si non potest; mentitur, & decipit: & quia hæc ars diuinandi varijs modis, & veluti medijs fieri solet; hinc ex diuersitate mediorum sortita, est varia nomina: